

Latit. Gr. Scr.		Longit. Gr. Scr.		96 INDEX GEOGRAPHICUS.
				tio est, Deuter. Isa. & alibi: Segor autem Hebræis dicitur Salifa, i. vitula conternans. Pentapoleos totius minima fuit; unde parva dicitur, Genes. 19. v. 20. eaque meridionalior; unde Genes. 13. v. 10. Ab Ægypto venientibus in Segor.
32. 37. $\frac{1}{2}$		66. 44.		Sehesima decima quinta numeratur à Josue 19. v. 22. inter alias sexdecim urbes Tribus Isachar.
32. 37. $\frac{1}{2}$		66. 52.		Sehon sive Seon urbium sexdecim Tribus Isachar quinta, Jos. 19. v. 19. inter Hapharaïm & Anaharath.
30. 55.		65. 10.		Seïr mons in Tribu Juda, aut potius inter Idumæam, & Tribum Juda. De ipso Genes. 14. v. 6. ponit Chorræos sive Horræos in montibus Seïr. Genes. 32. v. 3. Misit (Jacob) nuntios ante se ad Esau fratrem suum, in Terram Seïr, in regionem Edom. 36. v. 8. Habitavitque Esau in monte Seïr, ipse est Edom. Deuter. 2. v. 1. Circuivimus montem Seïr longo tempore. v. 2. Dixit Dominus. . v. 4. transibitis per terminos fratrum vestrorum filiorum Esau, qui habitant in Seïr, v. 5. videte ne moveamini contra eos.
31. 55.		66. 10.		Seïr mons alius est in limite Tribuum Judæ, Dan, & Benjamin. Josue de limite Trib. Judæ 15. v. 10. Et circuit de Baala (Cariath-Baal) contra Occidentem usque ad montem Seïr: transitque juxta latus montis Jarim ad Aquilonem.
33. 0.		68. 30.		Seïr mons tertius est in secunda Manasse, videturque pars, eaque contigua monti Hermon, ita ut Hermon sit propior Libano, aut pars Libani, & Seïr propior montibus Galaad.
31. 51.		66. 43.		Sela vigesima secunda urbium viginti sex, quas in Tribu Benjamin recenset Josue 18. v. 26. videturque inter Tharela & Eleph.
				Selame, Josepho in vita sua, vicus in superiori Galilæa, quem ipse munit.
31. 34.		65. 55.		Selcha. V. Salecha.
35. 40.		68. 50.		Selebin. V. Salebin.
				Seleucia. 1. Mach. 11. v. 8. Seleuciam maritimam vocat: eamque intelligit, quæ in Syria, nec longè ab Antiochia magna sive Epidaphne. De eadem Act. Apost. 13. v. 4. in eam abierunt Paulus & Barnabas, inde navigaverunt Cyprum.
33. 7. $\frac{1}{2}$		67. 57. $\frac{1}{2}$		Seleucias, Joseph. lib. 4. Bell. 1. & alibi, urbs ad Semechonitidem paludem, quam ipse, præter situm naturæ munitum, muris etiam cinxit.
				Selim. V. Sarohen.
32. 9.		66. 59.		Selmon Mons & Nemus. In illo etenim Abimelech arboris ramum præcidit, impositumque ferens humero, & suis idem facere imperans, ramis succensis, factum est, ut fumo & igne mille homines necarentur in Turri Sichem, Judic. 9. v. 48. 49. Selmon montis mentio est Psal. 67. v. 15.
37. 30.		75. 0.		Sem. Noë cum quingentorum esset annorum genuit Sem, Cham, & Japhet, Genes. 5. v. 31. & 6. v. 10. Sic ubique & eodem ordine, ut diximus in Cham & Japhet. Erit ergo Sem filiorum Noë primus, & hujus Semi filii c. 10. v. 22. Ælam, & Assur, & Arphaxad, & Lud, & Aram. Filiis Ælami Persidem, Assuri Assyriam, Arphaxadis Mesopotamiam, Ludi Asiam Minorem, Arami Syriam dedimus. Singulos vide suis locis.
32. 12.		66. 59.		Semeron mons, penes quem Abia Rex Judæ Jeroboam Regem Israël vicit, 2. Paralip. 13. v. 4. Stetit Abia Rex super montem Semeron, qui erat in Ephraïm. V. Samaria.
32. 43.		67. 6.		Semeron urbs regia, ad cujus Regem, & circumvicinos alios misit Jabin Rex Asor, ut conjunctis copiis contra Israëllem pugnarent, Jos. 11. v. 1. & seq. Et inter Reges ab Israëlitis ad Aquas Meron devictos Rex Semeron unus est, 12. v. 20. Urbs ipsa Semeron decima describitur in Tribu Zabulon, inter Catheth-Naalol, & Jedala, Jos. 19. v. 15.